



ШЕШІМ

29.03.2018 № 239/30-VI

Астана қаласы

РЕШЕНИЕ

город Астана

**Елордалық білім беру жүйесінің
жай-күйі және перспективалары
туралы**

Астана қаласы әкімінің орынбасары М.Е.Бектұрованың «Елордалық білім беру жүйесінің жай-күйі және перспективалары туралы» баяндамасын тыңдап және талқылап, мәслихат сессиясы қалалық атқарушы органдар Астана қаласында білім беру жүйесін жетілдіру бойынша шара қабылдап жатқанын хабарлайды.

Астана қаласының білім беру жүйесінде 493 білім ұйымы қызмет етеді, оларда 248000 бала оқып, тәрбие алуда, 15304 педагог қызметтері жұмыс істейді. Елорданың 96 жалпы білім беретін мектептерінің 84 мемлекеттік, 12 – мемлекеттік емес меншік нысанында. Техникалық және кәсіптік білім беретін оқу ұйымдарының желісі 35 коллежді, оның ішінде: 12 мемлекеттік және 23 жеке-меншік колледжден тұрады. Елорданың білім беретін мекемелер желісін кеңейту бойынша шара қабылдануда. Қалалық мектепке дейінгі мекемелер саны 336 бірлікті құрайды, оның 94 мемлекеттік болып табылады.

Оқу орындарының тапшылығы және білім объектілерінің шамадан тыс жүктелуі проблемасын шешу үшін 2017 жылы 5 мектепке қосымша құрылыс, 2 мемлекеттік балабақша пайдалануға берілді. Мемлекеттік-жекешелік әріптестік шеңберінде 1680 орындық балабақша салу бойынша 6 жоба іске асырылуда.

2018 жылы елордалық білім беру жүйесінің бюджеті 47 301 млн. теңгені құрды. Ағымдағы жылы білім объектілерін күрделі және ағымдағы жөндеуге 1 700 млн.теңге, білім объектілерін ұстауға – 32 563,7 млн. теңге бөлінді. Маэстриалдық-техникалық жарақтандыруға 214,2 млн. теңге бөлінді. Оқулықтар мен оқу-әдістемелік кешендерді сатып алуға және жеткізуге – 2 020,7 млн. теңге. Бастауыш сыныптар оқушыларын ыстық тамақпен қамтамасыз ету үшін 3 831 897 мың теңге бөлінді, оның ішінде 5-11 сыныптардағы табысы аз отбасыларының 1 417 балаларына. Жазғы кезеңде балалардың демалуына, оларды сауықтыруға жергілікті бюджеттен 157 млн. теңге бөлінді. Жергілікті және республикалық бюджеттерден тегін және кәсіптік-техникалық білімді енгізу үшін шамамен 5,7 млрд. теңге бөлінді, бұнда 4 мыңнан артық студент оқылады, олардың 40 пайызы жұмысшы мамандарын игеруде. Мамандар

Бланк серийлық нөмірсіз жарамсыз
Бланк без серийного номера не действителен

даярлауда әлемдік тәжірибені енгізу мақсатында 182 млн. теңгеге мехатроника және робототехника зертханалары ашылды.

Қолжетімді тең білім алу үшін жағдай жасау мақсатында 188 баланы қамтитын психологиялық-педагогикалық түзету бойынша үш кабинет және 900 бала қамтитын екі психологиялық-медициналық-педагогикалық консультациялар ашылды. 375 оқушыға арналған «№ 1 арнайы мектеп-интернаты» КММ пайдалануға енгізілді. 75 жалпы білім беретін мектепте ерекше білімді қажетсінетін балаларды оқыту үшін жағдай жасалған. 12 балабақшада түзету және мамандандырылған топтар қарастырылды. 4 колледжде «Колледж жағдайында берілетін инклюзивтік білім» жобасы іске асырылды.

Балаларды мектепке дейінгі оқумен қамтамасыз ету бойынша оң серпін байқалады, егер 2017 жылдың басында балалардың қамтылуы 70,6 пайызды құраса, бүгінгі күні бұл көрсеткіш 78 пайызды құрайды. 2,7 млрд. теңге сомасына 79 балабақшада мемлекеттік тапсырыстың енгізілуіне байланысты қосымша 9 мың жаңа жұмыс орны құрылды.

Қалалық білім сапасының көрсеткіштері жақсаруда. 2017 жылы Бірыңғай ұлттық тестілеудің қорытындысы бойынша орташа балл 84,6 пайызды құрайды. 2017-2018 оқу жылы елорданың білім беретін мекемелерінен шамамен 80000 дарынды бала 154 олимпиада мен конкурстарға қатысты. Республикалық кезеңнің барлық 67 қатысушысы жүлделі орындарға ие болды.

Елордалық мектептерді заманауи техникалық құралдармен жарақтандыруға ерекше назар аударылады. 2018 жылдың 1 наурызына Астана қаласы бойынша барлық 84 мектеп интернет желісіне қосылған. Компьютерлік парк 8067 жеке компьютерді қамтиды, бір компьютерге 10 оқушыдан келеді. Қала мектептері интерактивті құралмен жабдықталған. Ағымдағы жылдың басынан елорданың барлық жалпы білім беретін мемлекеттік мектептерінде пилоттық тәртіпте бірыңғай «бұлттық» бухгалтерия енгізіліп, ойдағыдай сынақтан өтті. 75 мектепте факультатив немесе электронды курс нысанында «Робототехника» курсы енгізілді, 8 мектепте 10-13 жастағы оқушыларды ағылшын тіліне тегін оқытуға бағдарланған «GlobalScholars» бағдарламасы іске асырылуда. Астана қаласының «BilimLand.kz» ресурстық орталығының платформасында цифрлі білім беру ресурстары орналастырылған, олар барлық білім ұйымдарында пайдаланылады. 11 мектеп пен 4 колледжде 200-ден астам оқушыны қамтитын CISCO желілік академиясы іске қосылды. Ол халықаралық сертификаттар берумен, IT технологиялар саласында мамандар даярлауға мүмкіндік береді. №№ 41, 73, 83 мектептерінің және № 1 арнаулы интернат-мектебінің жанында 3D-принтерлерімен және инженерлік құралдармен жарақтандырылған STEM зертханалары және инжиниринг және робототехника, STEM эксперименті мен компьютерлік дизайн бағыттары бойынша тәжірибелік модельдеу бойынша «IT SCHOOL» технозертханасы ашылды.

Кәсіби-техникалық білім түлектерін жұмыспен қамту бойынша шаралар қолданылуда. Оқушылардың жалпы саны – 26086 адам, оның ішінде

жекеменшік колледждерінде – 14342. 2017 жылы Астана колледждері шығарған мамандардың 93 пайызы жұмыспен қамтылды. Олардың ішінде 82 пайызы мамандық бойынша жұмыс істейді.

Қосымша білім беру және тұратын жерлері бойынша оқушылардың демалысын қамтамасыз етуді ұйымдастыру қызметі жетілдірілуде. Қала мектептерінің жанында 1645 үйірме мен секция қызмет етеді, олар 40880 оқушыны қамтиды, 22592 бала әртүрлі үйірмелер мен секцияларға барады. 3 қала сыртындағы лагерь, 1-4 сынып оқушылары қамтылған мектептің жанындағы лагерьлер қызмет етеді. 2010 жылдан бастап орта буын балаларын қамту үшін «Дидарлы жаз» жобасы іске қосылды.

Сонымен қатар, Астана қаласының мәслихаты өткізіліп жатқан іс-шараларға қарамастан, елордалық білім жүйесінде бірқатар проблемалар бар екенін хабарлайды. Мектепке дейінгі білім беру мекемелерінде орын алуға мұқтаж адамдардың кезегі 26 мыңнан артық адамды құрайды, оқушылар орнының тапшылығы – 10 мыңнан артық. Жаңа мектептер салу мүмкіндігі жоқ қаланың халық тығыз орналасқан аудандарындағы мектептерде шамадан тыс жүктелім байқалады.

Қаланың білім мекемелерінің материалдық-техникалық базасын, индустриялық-инновациялық даму жағдайында оқудың әдістемелері мен технологиялары әрі қарай жақсартуды қажетсінеді. Педагогика кадрларының біліктілігін арттыру жүйесіне жоспарлы инновациялық тәсіл оқыту сапасының міндетті шарты болуы тиіс. Жоғары және бірінші санатқа ие қала педагогтарының үлесі педагогтардың жалпы санының 42,7 пайызын құрайды, екінші санаттағы педагогтар – 5529 адам.

Кейбір жалпы білім беретін және кәсіби-техникалық мекемелерінің материалдық-техникалық базасы заманауи талаптарға сай келмейді. № 8 орта мектеп ғимараты апат алдындағы жағдайда. № 75 мектеп-лицейіне қосымша құрылыс салу қажет, «№ 12 балабақша-бастауыш мектеп кешені» КММ өткізілетін сабақтар білім нормаларына сәйкес келмейді. № 34 орта мектебінің бірінші қабатына салынған жатақхананың мәртебесі жөніндегі мәселе оннан астам жыл шешілмей тұр.

Астана қаласының білім беретін объектілеріне кіреберіс жолдардың жоқтығы ерекше көкейтесті болып табылады. Кіреберіс жолдар мен инфрақұрылымның жоқтығынан энергетика және байланыс колледжінің жаңадан салынған ғимаратқа көшуі созылуда, осының салдарынан бір ғимаратта екі кәсіби-техникалық мекеме қызмет етуде, олардың орын-жайлардың жетіспеушілігінен құрылысшы мен байланысшы мамандықтарын алуды қалайтындарды қабылдау мүмкіндігі жоқ. «№ 87 ясли-балабақша» МКҚК кіреберіс жолдары мен өту үшін аумақтар толығымен жабылған.

Мүмкіндіктері шектеулі балаларға арналған «№ 64 мамандандырылған балабақша» МКҚК балалар алаңы төбені ауыстыруды және балалар алаңын асфальттауды қажетсінеді.

Оқушыларды тамақтандыру жеке бизнеске берілген, нәтижесінде оқушылардың толыққанды тамақтануларында проблемалар туындауы мүмкін.

Астана қаласының мәслихаты **ШЕШТІ:**

1. «Елордалық білім беру жүйесінің жай-күйі және перспективалары туралы» баяндамасы назарға алынсын.

2. **Астана қаласының әкімдігіне** төмендегі ұсынылсын:

- елорданың экономикалық, әлеуметтік және мәдени ерекшеліктерінің есебімен оқитындардың сапалы білім алуын қамтамасыз ету, білім саласындағы мемлекеттік қызметтердің толық және сапалы көрсетілуіне бақылауды жүзеге асыру жөніндегі мемлекеттік саясатты іске асыруға бағытталған шаралар қабылдау;

- қаланың салынып жатқан мектептегі, мектепке дейінгі және кәсіби білім объектілерінің уақтылы пайдалануға енгізілуіне бақылауды күшейту, жобалаушыларға мемлекеттік-жекешелік әріптестік тетіктерін енгізу жолымен білім беру объектілерінің желісін кеңейтуге назар аудару;

- № 8 орта мектебін күрделі жөндеу, № 75 мектеп-лицейге қосымша құрылыс салу, «Өндіріс» т/а мектеп салу мәселелерін ерекше назарға алу;

- үздік халықаралық тәжірибеге негізделген әлеуметтік тамақтанудың отандық индустриясын құру және дамыту мәселелерінің параметрлерін және шешу жолдарын анықтау.

3. **«Астана қаласының Білім басқармасы» ММ** төмендегі ұсынылсын:

- оқытудың жаңа технологияларын, оның ішінде Білім берудің жаңартылған мемлекеттік стандарты бойынша енгізу үшін шара қабылдау және қолайлы жағайлар жасау, білім беру қызметтерінің сапасын әдістемелік және методологиялық қамтамасыз етуге назар аудару;

- қалалық білім беру мекемелерінің материалдық-техникалық базасын нығайту және дамытуға ерекше назар аудару, кең жолақты интернетке қосылуды, WI-FI арқылы жылдамдықты интернетке қолжеткізілімді қамтамасыз ету, бейнекамераларымен қамту;

- электрмен жабдықтау, пісіру ісі, автомобиль көлігіне техникалық қызмет көрсету және жөндеу, лифтілік және орман шаруашылығы, тамақтануды ұйымдастыру, қонақүй бизнесі мен туризм бойынша қажетті мамандықтарды даярлау бойынша қалалық техникалық және кәсіби білім жүйесіндегі қызметті жандандыру;

- Астана қаласының гимнастика федерациясынан «Астана қаласының Білім басқармасы» ММ және тиісті қалалық оқу орындарына ресми құжат беру жолымен оқу-жаттығу жиналымдары және жарыстарға кету кездерінде Астана қаласының және Қазақстан Республикасының құрама командасына кіретін спортшыларды оқу орындарынан сабақтан босату тәртібін әзірлеу;

- «Астана қаласының Активтер және мемлекеттік сатып алу басқармасы» ММ және «Астана қаласының Құрылыс және тұрғын үй саясаты басқармасы» ММ бірлесіп № 34 орта мектебінің жатақханасында тұрып жатқан тұрғындарды

мәжбүрлі түрде шығару және Қазақстан Республикасы Жоғары Сотының қаулысы негізінде оларға тұрғын үй беру мәселесін қарастыру.

4. Осы шешімнің орындалуын бақылау Астана қаласы мәслихатының әлеуметтік-мәдени даму мәселелері жөніндегі тұрақты комиссиясына жүктелсін.

**Астана қаласы мәслихаты
сессиясының төрайымы**



Р. Өмірбаева

**Астана қаласы
мәслихатының хатшысы**



Ж. Нұрпейісов